



# Il mas-chalch da Sent

Publicaziuns ufficialas. Cumpara seguond bsögn.

2003/2005

no. 32

7554 Sent, 10 gün 2005 /mw

## Radunanza cumünala

La radunanza es gnüda fixada sün lündeschdi, 20 gün 2005 a las 20.15 in chasa cumünala.

### Tractandas:

1. Protocol da la radunanza cumünala dals 25 avrigl 2005, acta 10
2. Rendaquint cumünal 2004 (quint da gestiun, quint d'investiziun, bilantsch cumünal e rendaquint da l'ameglioraziun generala)
3. Rapport da la cumischiun sindicatoria
4. Varia

La documainta per la tractanda 2 po gnir retratta in büro cumünal d'ürant las uras da büro a partir dals 15 gün 2005.

## Il Cussagl cumünal

## Viagiar aint ils Stadis Units da l'America sainza visum?

### Ma tschert – cul passaport 03 !

Pigliai a cogniziun ch'als Stadis Units da l'America laschan entrar a Vo – tenor las disposiziuns d'entrada valablas – eir davo ils 26 october 2005 sainza visum, scha Vo vaivat il passaport svizzer dal model actual 03 chi'd es gnü miss ora avant quista data. Ils passaports pudais Vos postar pro la cancellaria cumünala. Fat quai plü bod pussibel, il plü tard avant la mità da settember. Scha Vo eschat massa tard e scha'ls Stadis Units da l'America restan sün lur termin, stuvais Vos dumandar ün visum per ün viadi in o tras ils Stadis Units da l'America davo ils 26 october 2005.

## Chancellaria cumünala

## Avis

Il termin per pajar **l'imposta a la fontana pel prüm mez on** scrouda als **30 gün 2005**. Nus giavüschain a tuots da far giò quint cul cumün fin il plü tard ils **31 lügl 2005**.

Formulars, tariffas etc. as poja retrar pro l'uffizi d'impostas cumünal.

## Uffizi d'impostas cumünal

## Acziun da tschireschas

L'uffizi da provedimaint maina tras quist on ün'acziun da tschireschas. (Vair placats) Postaziuns vegnan tuttas incunter cul fögl da postaziun suotvart da subit fin **il plü tard marcurdi, 22 gün 2005, a las 17.30**. Postaziuns chi aintran plü tard **nu** vegnan plü **resguardadas**.

## Fögl da postaziun per tschireschas:

Il suottascrit ordinescha quattras:

..... chaistinas tschireschas à 10 kg pel predscha da fr. 36.00 la chaistina.

Telefon: .....

Nom e prenom: .....

Uffizi da provedimaint

## Stafetta tras Sent

In **venerdì, 17 gün 2005** vain organisada la 22avla stafetta tras Sent. Quista stafetta nun es in prüma lingia ün arrandschamaint per eruir ils meglers curriduors in cumün, dimpersè ün inscunter sportiv chi dess promover la cumünanza (perquai eir l'oblig da partecipaziun d'almain üna duonna ed ün uffant pro gruppa). Fögls d'annunzcha as poja retrar pro Arno Felix o pro Andri Gritti o suot la pagina d'internet [www.sent-online.ch/actual/index.html](http://www.sent-online.ch/actual/index.html)

Programm:

18.45 – 19.30 scumpart da nomers  
19.30 – 19.50 s-chodar aint  
**20.00 partenza sül ultim bat da las 20.00!**  
20.30 rangaziun

infuormaziuns ed annunzchas: Arno Felix ed Andri Gritti

**Club Skiunzs Sent**

## Società da tregants Sent

### Tirs obligatorics – Iplant da tir Urezzas

Ils tirs obligatorics pel 2005 sun gnüts fixats sco segua :

2. tir obligatoric	<b>venerdì</b>	<b>17 gün 2005</b>	<b>18.00 – 20.00</b>
<b>ultim tir obligaroric</b>	<b>venerdì</b>	<b>26 avuost 2005</b>	<b>18.00 – 20.00</b>

**Il comitè da la Società da tregants Sent**

## L'exposiziun da las lavurs manualas

Ils scolars preschaintan lur lavurs da man textilas e na textilas sco eir disegns in **gövgia als 23 gün 2005** da las 14.00 – 18.00 e da las 19.00 – 21.00 in chasa da scoula Sent.

**Ils scolars e la magistraglia**

## Fluors dals bügls

Quels chi pulischan ils bügls dessan far il bain e dar güsta eir aua a las fluors.  
Grazcha fich!

**Sent Turissem**

## Marchà d'utuon a Sent

Daspö il cumanzamaint da quist on s'ha scholt il comitè dal marchà d'utuon.

Our dal motiv cha'ls ultims ons han lö adüna daplü marchats (Tschlin, San Niclà, i'l Bogn Engiadina a Scuol eui.), vaina stuvü constattar cha la prüma sonda d'october esa a Sent adüna damain exponents chi mettan oura lur roba.

La faira d'utuon d'eira per mai adüna ün arrandschamaint interessant, impustüt in colliaziun cull'economia. Quai ha dat adüna üna buna colliaziun tanter giasts ed indigens.

In avegnir vuessan nus surdar quista organisaziun in mans plü giuvens, chi manessan tras la faira d'utuon cun nouv schlantsch e novas ideas.

Eu tscherch perquai personas o societats chi füssan prontas da surtour quist arrandschamaint. Eu sun eir pront da discutir insembel sur da novas pussibilitats in connex culla faira d'utuon.

Im fess fich plaschair scha interessents s'annunzchessan pro mai fin il plü tard ils 24 lügl 2005 per surdar quista nouva incumbenza.

Cun amiaivels salüds

**Robert Bertschinger**

**Prümavaira - SDASDÀ - NOUV - FRAIS-CH - PLAIN BSÖGN D'ACTIVITÀ**

.....es darcheu quà. Cun 18 giuvenilas e giuvenils a Scuol, 12 giuvenilas e giuvenils a Sent.

I spettan cun brama sün Vossas incumbenzas!  
Uossa es eir quà il mumaint da surdar quista lavur.

Daspö ons para MASUBIT! illa populaziun üna buna roba – cun quist nun han las giuvenilas ed ils giuvenils lavurà.

Telefonai (adüna o uschigliö vegn la combox e no telefonain inavo)

**079 821 14 03**

### **Preavis per üna festa**

Mincha duos ons es il festival da film “Open-air-Kino”. Noss'intenziun es, dad organisar alternativ pels ons da posa, ün Festival da Teater sün via.

No organisain pels 6 avuost 2005 ün Festival da Teater sün via cun 12 artists da differentas naziunalitats chi han frequentà la “Scuola Dimitri”, tanter quels eir las acturas rumantschas Annina Sedlacek e Piera Gianotti. In fuorma da festa da cumün, muossan ils artists vi pel di lur program sün vias e plazzas in cumün intant cha'ls usters pisseran pel bainstar corporal dals aspecturs. La saira ha lö in chasa da scoula la preschantaziun dal spectacul “Il vestito della scimmia”, ün toc teater cha la gruppa d'artists ha preschantà in differents lös da la Svizra ed in Italia.

**Ils organisaturs Curdin, Martina e Peter**

### **Plan da scoula e vacanzas pel 2005**

#### **Temp da scoula**

17 mai - 24 gün 2005

#### **Temp da vacanzas**

27 gün - 19 avuost 2005

### **Plan da scoula e vacanzas per l'on da scoula 2005/2006**

22 avuost 2005 - 7 october 2005

10 october - 21 october 2005

24 october - 23 december 2005

26 december 2005 - 6 schner 2006

24 december, Nadal, es di da scoula

9 schner – 1. marz 2006

2 marz - 8 marz 2006

9 marz - 3 mai 2006

4 mai - 19 mai 2006

25 mai es di da scoula (davo l'Ascensiun)

22 mai - 30 gün 2006

3 lügl - 18 avuost 2006

22 avuost 2006 cumanzamaint dal nouv on da scoula

No tscherchain a Sent

**Mamma dadi**

Per ün uffant pitschen (-1 on)

(duos dis o quatter mez dis l'eivna)

No spordschain paja reglada e prestaziuns socialas.

Wir bieten geregelten Lohn und übliche Sozialleistungen

**Chüra d'uffants Engiadina Bassa**

Wir suchen in Sent

**Tagesmutter**

für ein Kleinkind (-1 Jahr)

(2 Tage oder 4 halbe Tage / Woche)

7558 Strada

Telefon: 081 860 10 52

Per ulteriuras infuormaziuns sta a disposiziun l'intermediatura Leta Steck-Rauch.

Für weitere Informationen steht die Vermittlerin Leta Steck-Rauch zur Verfügung.

**Inauguraziun**  
**senda da "nordic walking"**  
**Einweihung**  
**"Nordic Walking" Weg**

**Dumengia, als 26 gün 2005 a las 16.00h**

**plazza da parcar Triench**

**Sonntag, den 26. Juni 2005 um 16.00h**

**Parkplatz Triench**

- Aperitiv / Aperitif
- Pled festiv / Festansprache
- Gita manada d'instructors da „nordic walking“ / geführte Wanderung „Nordic Walking“ mit Instruktoeren
- Differentas sportas d'infuormaziun / verschiedene Informationsangebote
- ustaria e trategnimaint / Restauration und Unterhaltung

Amiaivelmaing invida  
Herzliche Einladung  
Sent Turissem